



**Obavijest o obavezi plaćanja i visini boravišne takse
u 2022. godini u Zeničko-dobojskom kantonu**

Zakonom o turizmu objavljenim u „Službenim novinama Zeničko-dobojskog kantona“ broj: 12/22 (Internet stranica www.zdk.ba – Službene novine) propisana je obaveza plaćanja boravišne takse na području Zeničko-dobojskog kantona.

BORAVIŠNA TAKSA - Zakon o turizmu

Član 74.

- Boravišna taksa je novčani iznos koji plaća lice koje izvan svog prebivališta koristi usluge smještaja u smještajnom objektu u kojem se obavlja turistička ili ugostiteljska djelatnost
- Lice koje koristi usluge noćenja u smještajnom objektu plaća boravišnu taksu po svakom ostvarenom noćenju, po dolasku u smještajni objekat.
- Smještajnim objektom smatra se: hotel, motel, pansion, turistički apartman, odmaralište, kamp, planinarski dom, soba za iznajmljivanje i svi drugi objekti u kojima se pružaju usluge smještaja.
- Lica iz stava (1) ovog člana boravišnu taksu plaćaju pravnom ili fizičkom licu s kojim su ugovorile pružanje usluga smještaja.
- Boravišnu taksu pod jednakim uslovima plaćaju domaći i strani državljani.

Član 75.

Boravišnu taksu ne plaćaju:

- a) djeca do 12 godina starosti;
- b) lica sa teškim čulnim i tjelesnim smetnjama (slijepi, gluhi, distrofičari i dr.);
- c) lica upućena na banjska i klimatska liječenja, odnosno specijalizovanu rehabilitaciju od nadležne ljekarske komisije;
- d) lica koja obavljaju sezonske poslove sa prijavljenim boravkom u turističkom mjestu;
- e) lica koja neprekidno borave u objektu za smještaj duže od 30 dana;
- f) učesnici školskih ekskurzija, odnosno učenici i studenti čiji boravak organizuju škole i fakulteti u okviru redovnih odgojno-obrazovnih programa, održavanja sportskih i kulturnih manifestacija;
- g) strani državljani koji su po međunarodnim konvencijama i sporazumima oslobođeni plaćanja taksi;
- h) strani državljani koji organizirano, preko zvaničnih humanitarnih organizacija, dolaze radi pružanja humanitarne pomoći.
- Navedena lica ne plaćaju boravišnu taksu ako podnesu dokaz o ispunjavanju navedenih uslova (odgovarajuća isprava, potvrda, članska karta, potvrda škole, ljekara, ljekarski uput, ugovor o radu i dr.).
- Boravišnu taksu umanjenu za 50% plaćaju lica od 12 do 18 godina starosti ako podnesu dokaz o ispunjavanju uslova (odgovarajuća isprava i sl.).

Član 76.

- Naplatu boravišne takse vrši pravno i fizičko lice koje pruža usluge smještaja.
- Davalac usluga naplaćuje boravišnu taksu istovremeno sa naplatom usluge smještaja.
- Ako davalac usluga ne naplati boravišnu taksu, dužan je da na svoj teret uplati iznos nenaplaćene boravišne takse.

Član 77.

- Davalac usluga je dužan da u račun za usluge smještaja posebno iskaže iznos boravišne takse, odnosno u slučaju oslobađanje od plaćanja ili umanjene boravišne takse, da navede osnov oslobađanja od plaćanja boravišne takse, odnosno osnov za plaćanje umanjene takse.
- Davalac usluga vodi evidenciju o uplaćenju boravišnoj taksi u knjizi, odnosno drugoj odgovarajućoj evidenciji i vodi evidenciju o oslobađanju od obaveze plaćanja boravišne takse i umanjenoj boravišnoj taksi.

Član 80.

- Sredstva od naplaćene boravišne takse i dnevne boravišne takse davalac usluga odnosno naplatilac dnevne boravišne takse, dužan je uplatiti na depozitni račun budžeta Kantona, do 5. u mjesecu za protekli mjesec.

Član 103.

- Do donošenja odluke Vlade o visini boravišne takse, visina boravišne takse na području Kantona obračunava se, naplaćuje i uplaćuje u iznosu od **2,00 KM**.

Pravna i fizička lica, obveznici uplate boravišne takse, obavezni su uplaćivati boravišnu taksu na **Depozitni račun Zeničko-dobojskog kantona, ASA Banka d.d. broj: 1340100000001672, vrsta prihoda: 722423, budžetska organizacija 1801001, svrha uplate: Boravišna taksa po kantonalnim propisima.**

